

तेरी भोली भोली शान बालाजी,
करगी हो जादू सा ॥

तेरी जब त देखी,
जोत मन्नै नूरानी हो,
तेरा बाल रूप मन भागया,
बणी दिवानी हो,
दिया अज्ञानी तं ज्ञान बालाजी,
करगी हो जादू सा ॥

जब पढुँ चालीसा जी करः,
पढ़ती जाऊँ मैं,
करुं राम धवनि का जाप,
अनोखी गाऊँ मैं,
तेरी भक्ति या हनुमान,
करगी हो जादू सा ॥

तेरा लयाई लंगोटा,
सोटा कर स्वीकार हो,
सवामणी का रोट मैं,
पवनकुमार हो,
इबके रखियो मान बालाजी,
करगी हो जादू सा ॥

भक्ति करता कप्तान शर्मा,
गाम समाल में,
बहार काढ़ यो फसया,
मोहजाल में,
सुरजभान वरदान बालाजी,
करगी हो जादू सा ॥

तेरी भोली भोली शान बालाजी,
करगी हो जादू सा ॥

गायक नरेंद्र कौशिक जी ।
प्रेषक राकेश कुमार खरक जाटान(रोहतक)
9992976579

Source: <https://www.bharattemples.com/teri-bholi-bhali-shan-balaji-kargi-jadu-sa/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>